

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“ broj 7/10), Vlada Zeničko-dobojskog kantona, na prijedlog Ministarstva za privredu, na 113. sjednici, održanoj 13.06.2013. godine, d o n o s i

ZAKLJUČAK

I.

Prihvata se Informacija Ministarstva za privredu, vezana za zahtjev društva „BOSANSKI TRANSPORTNI SERVIS“ d.o.o. Visoko za izjašnjenje u pogledu poticaja za 2013. godinu i pojedinih kriterija „Uputstva o postupcima i kriterijima za odobravanje i dodjelu sredstava poticaja namjenjenih regresiranju kamata na investicijske kredite.

II.

Zaključak stupa na snagu danom donošenja.

Broj: 02-_____/13
Datum, 13.06.2013. godine
Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za privredu,
1x „Bosanski transportni servis“ d.o.o. Visoko, putem ministarstva,
1x a/a.



Broj: 04-14-6745/13
Zenica, 04.06.2013. godine

INFORMACIJA

U skladu sa aktom Vlade Zeničko-dobojskog kantona, broj: 02-1-14-16109-8-2/13 od 16.05.2013. godine pod nazivom "Akt za sjednicu Vlade Zeničko-dobojskog kantona u vezi sa zahtjevom "Bosanski transportni servis" d.o.o. Visoko", koji je u vezi sa poticajima za 2013. godinu i investicijskim kreditima, dostavljamo tražene podatke.

U cilju potpune realizacije poticaja proizvodnih djelatnosti, za koje se opredjelila Vlada Zeničko – dobojskog kantona, bitno je podsjetiti na nekoliko osnovnih karakteristika privrede, kao ljudske djelatnosti:.

Prije svega potrebno je znati da se privreda dijeli na tri osnovne djelatnosti:

1. PRIMARNE: (poljoprivreda, stočarstvo, ribarstvo i šumarstvo);
U ovom sektoru ubrajaju se isključivo proizvodnja hrane i neke sirovine za sekundarne djelatnosti.
2. SEKUNDARNE: (industrija, građevinarstvo, rudarstvo, energetika, brodarstvo, proizvodno obrtništvo);
3. TERCIJARNE: (trgovina, promet, ugostiteljstvo, bankarstvo i turizam);

U novije vrijeme pojavljuju se i KVARTARNA (školstvo, zdravstvo, policija, uprava).


Ne ulazeći u detaljisanje karaktera navedenih djelatnosti, sasvim je jasno da su sekundarne, a unutar njih proizvodne djelatnosti najbitnije za jednu zajednicu. Argumenata ima mnogo, ali je najvažnije da se u ovom sektoru stvaraju nove vrijednosti, koje su generator razvoja ostalih djelatnosti.

Imajući u vidu činjenicu da se poticaji Vlade Kantona realizuju iz Budžeta Zeničko – dobojskog kantona, jasno je njeno opredjeljenje za bržim razvojem proizvodnih djelatnosti.

Zaključkom, broj: 02-14-16109/12 od 18.07.2012. godine Vlada Zeničko-dobojskog kantona usvojila je Postupak i kriteriji za odobravanje i dodjelu sredstava poticaja namijenjenih regresiranju kamata na investicijske kredite. Istim aktom zauzet je slijedeći stav:

U cilju intenziviranja investicija u oblasti proizvodnih djelatnosti, a samim tim zapošljavanja i razvoja, a radi rasterećenja i podrške investitorima u početnim fazama realizacije investicija, regresirat će se dio uplaćenih kamata na odobrene investicijske kredite privrednim subjektima registriranim u Zeničko – dobojskom kantonu, ukoliko svoju proizvodnu investiciju realiziraju u Zeničko - dobojskom kantonu na temelju kredita odobrenog od strane bilo koje od komercijalnih banaka registriranih u Bosni i Hercegovini.

“Pod privrednim subjektima podrazumijevaju se privredna društva i subjekti iz obrtničkih djelatnosti, koji su bave proizvodnom djelatnošću iz područja D – Prerađivačka industrija (Standardna klasifikacija djelatnosti).



Pod proizvodnom investicijom, u duhu ovih kriterija, podrazumjeva se isključivo:

- kupovina, izgradnja, uređenje i proširenje objekata za obavljanje registrovane proizvodne djelatnosti iz područja D – Prerađivačka industrija (Standardna klasifikacija djelatnosti).
- kupovina sredstava za rad, opreme ili pojedinih dijelova opreme, kojom se obezbjeđuju uslovi za obavljanje registrovane proizvodne djelatnosti iz područja D – Prerađivačka industrija (Standardna klasifikacija djelatnosti)
- obezbjeđenje osnovnih sredstava, za obavljanje registrovane proizvodne djelatnosti iz područja D – Prerađivačka industrija (Standardna klasifikacija djelatnosti), realizacijom lizing aranžmana.”

Nakon zahtjeva podnesenog od strane “Bosanski transportni servis” d.o.o. Visoko” utvrđeno je da je riječ o uslužnoj djelatnosti, a ne proizvodnoj djelatnosti iz područja D- Prerađivačka djelatnost, pa obzirom da je Postupkom i kriterijima propisano da u slučaju da Komisija ocjeni da nisu ispunjeni svi uslovi za odobravanje sredstava – regresa, Ministarstvo za privredu, kod neispunjenja uvjeta i kriterija, donosi Obavijest, koju prosljeđuje podnosiocu zahtjeva. I u ovom slučaju je tako postupano i dana 14.11.2012. godine podnosioc zahtjeva je obavješten o istom, aktom Ministarstva za privredu, broj:04-14-16109-8/12.

Zaključkom, broj: 02-14-6475/13 od 20.03.2013. godine Vlada Zeničko-dobojskog kantona usvojila je Uputstvo o postupcima i kriterijima za odobravanje i dodjelu sredstava poticaja namijenjenih regresiranju kamata na investicijske kredite. Istima se takođe tretiraju samo privredni subjekti koji se bave proizvodnom djelatnošću, odnosno:

Pod privrednim subjektima podrazumijevaju se privredna društva i subjekti iz obrtničkih djelatnosti, koji su bave proizvodnom djelatnošću iz područja D (ili C po novom) – Prerađivačka industrija i područja A- Poljoprivreda, lov i šumarstvo (podpodručje 01.2- Uzgoj životinja) (Standardna klasifikacija djelatnosti).

Pod proizvodnom investicijom, u duhu ovih kriterija, podrazumjeva se isključivo:

- kupovina, izgradnja, uređenje i proširenje objekata za obavljanje registrovane proizvodne djelatnosti iz područja D (ili C po novom) – Prerađivačka industrija i područja A- Poljoprivreda, lov i šumarstvo (podpodručje 01.2- Uzgoj životinja) (Standardna klasifikacija djelatnosti),
- kupovina sredstava za rad, opreme ili pojedinih dijelova opreme, kojom se obezbjeđuju uslovi za obavljanje registrovane proizvodne djelatnosti iz područja D (ili C po novom) – Prerađivačka industrija i područja A- Poljoprivreda, lov i šumarstvo (podpodručje 01.2- Uzgoj životinja) (Standardna klasifikacija djelatnosti),
- obezbjeđenje osnovnih sredstava, za obavljanje registrovane proizvodne djelatnosti iz područja D (ili C po novom) – Prerađivačka industrija i područja A- Poljoprivreda, lov i šumarstvo (podpodručje 01.2- Uzgoj životinja) (Standardna klasifikacija djelatnosti), realizacijom lizing aranžmana.

Prilikom izrade navedenih Postupaka i kriterija Vlada Zeničko-dobojskog kantona je iste zasnivala na iskustvu drugih u bližem i širem okruženju, a koja su vezana za podsticanje proizvodnih djelatnosti – djelatnosti koje stvaraju novostvorenu vrijednost.

Izvještajem revizije učinaka Ureda za reviziju institucija u FBiH “Podrška razvoju malog i srednjeg poduzetništva u FBiH”, broj: 07-14-5-379-3/13 iz aprila 2013. godine, između ostalog konstatovano je:

“Realizacija dodjele poticaja prema postojećim kriterijima ne potiče razvoj MSP jer pri izboru

korisnika poticaja veći značaj imaju statusno - pravne karakteristike aplikanta nego kvalitet ponuđenog projekta. Postojeći kriteriji nisu osigurali da prioritet u poticanju ima proizvodna djelatnost, što je strateško opredjeljenje vlasti, niti doprinose ostvarivanju ravnomjernog regionalnog razvoja, što je takođe jedno od opredjeljenja vlasti”, što znači da u naši poticaji projektovani u skladu sa strateškim opredjeljenjem vlasti u FBiH.

Proizilazi da je Vlada Zeničko – dobojskog kantona zauzela stav da podstiče privredne subjekte koji se bave proizvodnom djelatnošću radi stvaranja boljeg poslovnog ambijenta u Zeničko – dobojskom kantonu, a sa ciljem intenziviranja i motivisanja da se na području Zeničko – dobojskog kantona otvaraju privredna društva koja se bave proizvodnom djelatnošću.

MINISTAR

Demir Ugarak
Demir Ugarak